

VRBIS ROMAE

RENOVATIO.



ROMAE M. D. XLII.

AD ILLVSTRISSIMVM DV-
cem Pyrrhum Loisium Farnesium,

Astyanacta fouens hac Hector voce precatur:
Sic optat nato fata secunda suo.
Quitecunq; puer carissime viderit oro:
Sis melior dicat maior & ipse patre.
Vincere mortales alios cuncti acrius ardent.
At vinci a nato gaudet, auctq; pater.
Filius est etenim patris immortalis imago:
Fortuna virtus cum comitante micat,
Felix ille parens:quem nati gloria caelo
Tollit:vt est felix natus honore patris.
Post cineres remanet viuens genitoris imago.
Et domus & nomen perstat in vrbe frequens.
Gaudet vt in caelo sanctos reperire parentes.
Sic gestit prolem sidera clara sequi.
Qualis Alexander praecessit honore Philippum,
Floruit & victo maior in orbe patre:
Talis Alexander tua Dux Pyrrhe inclyte proles
Nunc superat patrem:mox superabit auum.
Cuius adhuc florens virtus me condere carmen
Cumq; suis laudes dicere iussit aui.
Laetitia pectus perfundens perlege carmen:
Latus est natorum gloria summa patrum.
Quod si non cecinit surdo mea musa:videbis
In laudes pandi mox Heliconas tuas.

AD ILL. AC R. ALEXANDRVM
Farnesium S. R. E. Cardinalem,
Hieronymi Borgii Ro-
mæ Ananeolis.

HOSPES IOVIVS.


Ho.



E TVA fama noui genitrix
insignis amoris
Quæ capit absentes, late diffusa
per orbem,
Ad te clare Ioui Lucanis traxit
ab oris.
Quantũ sanctus amor fuit urbem
causa videndi;

Promptior ipse tamen feror ad venerabile nomen:
Ceui quondam Phœbo properauit ab usq; cadente
Hospes: ut Historiæ patremq; decusq; Latine
Aspiceret propius: sensusq; referret opimos.
Hic quando optatum mihi te sors obtulit ultro:
Hoc age siste pedem nemoroso in colle quirini,
Vrbs tota unde uetus solet & noua Roma uideri:
Incipe: dum spirant septem de montibus auræ:
Felices auræ sedantes molliter æstus:
Hic aliquid memora: quod amicas impleat aures,
Atq; ambo hac uiridi meditemur carmẽ in umbra
Nostri admirantes fatum memorabile seclĩ:
Tris nuper furias tenebrose faucibus orci


A ii



Vidimus emissas, facibusq; per oppida & agros
Bacchari armatas, & eodem fidere diro
In genus humanum coniurauere cruentus
Mars, & sæua lues, & longe tetrior omni
Peste fames, uacuisq; domos, & inania ditis
Regna replere nouis certarunt vndiq; prædis,
Orbantes populis magnas florentibus vrbes.
Nec sat terra fuit, Neptuni ad prælia campos
Sortiti líquidos stygii mortalibus hostes
Insensi largo fœdarunt sanguine pontum,
Impia facta hominum diris obnoxia pœnis
Tantas constarant animis cœlestibus iras.
Tunc ultro Pallas nostræ studiosa salutis,
Pallas noster amor, cœliq; magistra colendi,
Vnde meus Siris piscofo flumine felix
Currit in Ionium, nemorosa cacumina montis
Scandere me monuit, Parnassi vt uertice tuto
Qualis Deucalion citra discrimina fluctus
Spectarem vastos, alienaq; fata dolerem.
Nuntius interea, quo non mihi tristior alter
Ingruit, ecce meas iterato perculit aures,
Auspiciis positam Martis felicibus urbem
Mirificamq; Deum sedem, caput orbis, & amplo
Iura orbi dantem Dominam (mirabile dictu)
Bis captā (heu dolor) & laceratā immanibus armis,
Effrenisq; datam latronibus omnia prædam
Dura pati, & miseris compleri questibus auras.
Protinus obstupui, vox pulsa dolore refugit.

In fauces imas, animusq; obtorpuit æger,
Mox longum lacrymans effudi ad sidera luctum;
Qualis amore pio Iuuenis cum concitus ardet,
Spectat & ab rapidis caram prædonibus amens
Raptari matrem tyrrhena per æquora flentem,
Non tantum sparfit lacrymarum (uera fatebor)
Facta dolore canis natorum ad funera mater
Plurima, troiugenis reginam flentibus orbam,
Quantum nostra graui rorantia lumina fletu
Fudere, excidium Roma subeunte nefandum,
Nunc autem admiror (ueluti si horrentibus hostes
Nulli euertissent armis crudeliter urbem)
Omnia flores, & renouata resumere formam
Augustâ formâ, decus omne hilarumq; uigorem;
Dic o docte Ioui (quando pars una fuisti
Exitii) causam breuiter seriemq; malorum,
Et quoniam fecit tempestas horrida finem,
Quis Deus hanc urbi faciem præscumq; decorem
Restituit? læto rident hic omnia uultu,
Et musæ uario solantur tristitia cantu,
Religio passim cultu dominatur honesto,
Fratris in urbe tener regnat cum matre Cupido,
Cum nymp his charites celebrât puerisq; choreas,
Per fora splendidius per templa uagantur amores,
Connubiis operam nauans hymenæus inanes
Prole noua reparare domos studet acer & urbem,
O quas delicias animis mirantibus offert
Pulcher amor passim matronis plena uenustis

Inter pilenta exultans & spicula torquens.
 Cum strepitu iuuenes ciet ad spectacula currus.
 Iam mercatorum periuria ridet Atlantis
 Mille nepos: opibusq; vias artesq; parandis
 Monstrat: & agricolæ tellus iam paret auaro,
 Iam res Neptunus peregrinas vndiq; mittit,
 En vrbs barbarico facta est formosior igni:
 Nam uelut ambustis ab stirpibus omnia multo
 Latius exurgunt uirgulta: feracior omnis
 Terra fit: ac patulas felicior arbor in umbras
 Crescit: sic longe meliores ubere pleno
 Roma cremata uiros peperit: maioraq; pandit
 Lumina uirtutum magno reparante Camillo.
 Gratulor: an ne alter dedit hæc meliora Camillus?
 Dicere nunc ausim gentem rediisse rogatam,
 Excoquitur flammis uitium: uenit aurea uirtus
 Acta per ærumnas: bonus ædificator ab imo
 Eruit ipse domum: meliorem ut reddat, opacis
 Lux oritur tenebris, felix iniuria, maior
 Vnde habet utilitas species & pulchrior urbem,
 Purius ac melius fit multo verbere liuim.
 Incipe: nam ueterum secura in sede malorum
 Sæpe iuuat meminisse, aliisq; referre labores.
 Fœcundas aperi scatebras, ac pectus opimum:
 10. Ne me ne iubeas hospes renouare tremendum,
 Quo stupefacta cadunt etiam num corda, dolorem
 Non mea si faciles afflarent pectora musæ:
 Nec mea Mæonidæ si spiritus ora subiret,



Omnes excidii formas comprehendere possem :
Aequare aut uerbis tam lamentabile funus.
At tu quo mecum doleas magis impia facta :
Latere & fatiſ melioribus, accipe paucis
Plurima fortunæ uariantis vulnera, uates
Fraternas alii conentur dicere pugnas,
Et coniuratis captam legionibus arcem,
Fataq; ſæua fleant Priami, Graiumq; labores,
Materiam priſco ſibi miram a tempore quarant,
Noſtra fuit nobis nimis exitiabilis ætas.
Ne tantum facinus, ne tantum dedecus, ah ne
Tam ſœdas ſcelerum facies, & barbara monſtra
Aſpiceret mœſtis oculis tyberinus, amictu
Ipſe caput flauum nebula prætexit, & imo
Gurgite deliuit, ſœdatus & ora ſuorum
Sanguine, fata ſuæ plorauit turpia gentis.
Alta ſuper liquidis Regina ſedebat aquarum
Fontibus, & caſte uiridi degebat in æuo,
Temneret in tenui quanuis mortalia cultu,
Nec crinem ornaret, nec fūco pingeret ora,
Gratior illa tamen diis & mortalibus ibat
Omnibus, & uultu formoſior ibat honeſto.
Tantum forma placet, formam comitante pudore,
Omnipotens illam genitor de uirgine nato
Connubio ſtabili iunxit, propriamq; dicauit,
Prole noua ut uacuum penitus cōpleret olympum.
Iunxit utrunq; ſacram primū Iordanis ad undam
Vrania proles, thalamosq; Hymenæus in altos

Duxit, eam celebrans diuino carmine lucem,
Illam etiam sponsus miro decorabat honore,
Vt domina una foret rerum, ut noua regia cœli
In terris supera dititione potentior esset,
Vt mulcere queat tumidos & vincere reges
Exiguâs foliis, & sacro carmine victos
In quoscunq; uelit trahere, & deducere tractus.
Inde potestatem dedit illam, & claudere cœli
Posse adamantæas, penitusq; recludere portas,
Nec posse eumenidas, nec vi nec fraude nocere,
Nec duros orci postes obsistere contra.
Hanc sibi pastores Dominam legere pudicam
Ab Ioue felices soles hyemesq; serenas,
Ac tempestiuos orantem frugibus imbres.
Mira fides, quacunq; pedem pia nymphea ferebat,
Alba sequebatur comes illam in vertice fulgens.
Ales, & igniferum fundebat ab ore ruborem,
Septena immensis spargens sacra mubera terris.
Hanc matutino dicebant carmine musæ,
Alterisq; choris iterabant uespere carmen.
Et cum nox medios agitaret in æthere cursus,
Dii quoq; gaudebant socio per mutua cœtu
Et latos ductare choros, & iungere cantus,
Tantus amor terras inter cœlumq; uigebat,
Nam cum diis homines intra hæc cōuiuia sanctæ
Promuba Reginæ, longo post tempore pacem
Facere, & placido iunxerunt fœdere dextras,
Ipsa suum dum sponsa uirum castissima solum
Diligere,

Diligeret, complexa deum, complexa maritum,
Ac mentem ad superos tantum conuerteret orbes,
Coniugis & solos animo nutriret amores,
Et manibus puris stata sacra imponeret aris,
Cum caris alacres mortalibus orgia Diui
Gaudebat celebrare, & amicas iungere dextras,
Mutuaq; a terris ibant commercia cœlo,
Quid noua quid numerê miracula plurima sancto
Nata solo, hinc gētes magis ac magis aucta poēs:
Mille vel elati feretro rediere relicto
In sua recta hilares, mirantibus ora propinquis
Viua, Deoq; simul grates soluentibus amplas,
At postq̃ monstrante deo terrasq; viamq;
Transtulit ad tyberim uirgo sanctissima sedem,
Ac septem geminos montes urbemq; superbam
subiecit, pedibusq; sacris figi oscula iussit,
Casta gradu primo, nulliq; obnoxia luxu
Aetatem exegit teneram sine labe pudoris.
Post ubi magnanimi certatim plurima reges
Munera cœperunt, virideq; offerre smaragdos,
Et quas delicias rubro de litore mittunt
Illustres populi, quod & aurum deuehit hermus,
Mox cum fortuna (uisu mirabile) mōres
Mutauit, sensim niueum de fronte pudorem
Reppulit, & primum donis summittere sensus,
Ac dītes ad amare procos, & postere cœpit
Plura datis, auīdosq; animos explere perendo,
Vendereq; imineritis auro cœlestia dona,

Aurea prostruens diuina gaudia forma, regili
Prostruens uulgo Veneris celestis amoris,
Hinc potare palam, choreasq; agitare procaces,
Nunc celebrare iterum cōuinia laeta sub umbris,
Nunc altos calices ac libera vina madentem
Instaurare iuuat, fidibusq; incumbere blandis
Et pro diuinis fallaces uoluere chartas,
Ac pro pauperibus turmas nutrire nitentes
Quadrupedum, gregibusq; canū uexare fugaces
Saxa per & campos indigna indagine ceruos,
Nunc hos, nunc illos Reges admittit amantes,
Hos necat amplexus inter blandissima falsos,
Hos iuuat inter se ualidis committere pugnis,
Et spectare procos in mutuua vulnera ferri,
Tandem de ualidis tot legit amantibus unum
Lilia gestantem multis uicticia seclis,
Qui dominam luxu dapibusq; iocisq; uacantem
Tutari gladio ualeat: uel cuspide forti:
Talía dum spectat coniux moestissimus alto:
Flagitia e thalamo saeuas exarsit in iras,
Sponsam indignatus prouecta ætate procacem
Eualisse, uelut circæo carmine uersam
In turpē stolidamq; suam, graue propter & ingens
Podus opum, requiemq; altam, quæ uixerat annis
Castior in teneris, & purior alite pura:
Dum pareret sanctos humilis fortuna labores,
Protinus Aligerum talaria nectere iu flum
Alloquitur Iuuenem, descende ad hybridis artes

Docte minister, abi, moneas infanda furentem
Potantemq; procos inter ludosq; profanos,
Ac tot opes sacras immaniter absumentem
Caram olim sponsam, thalamos sine fine pudicos
Incestantem, omnem pudeat posuisse pudorem.
Incestaq; faces nimiumq; impune uagantes
Tot scelerum facies extinguat, & improba monstra
Arceat, ac merita uirtuti praemia reddat.
Mella absumentes aliena, auumq; terentes
Ridiculis studiis fucos extrudat inertes.
Qui merita quondam dederat, tot munera princeps
Auferet immerite, ne tot male sana pudendis
Criminibus uitiiq; deos coelumq; laceflat
Vltiores oculos ultricia fulmina gestans.
Hac Deus, hac rutilis demissus nuntius astris
Fertq; refertq; minans, sed nullis stulta mouetur
Tristibus illa minis, surdas obstruxerat aures
Ebria deliciis, non cessat pangere uites,
Umbriferosq; horros & amenos quærere fontes,
Coniugiiq; nouis primas impendere curas,
Atq; oblita uirum rorantia pocula mensis
Ingerere extructis, coeloq; attollere tures.
Interea conflux horrenda concitus ira
Flagitia ulturus mœchæ intoleranda pudenda,
Laxarat stygias acies, simul alta tyranni
Ostia tartarei patefecerat, haud mora, saeuo
Ex aquilone tonat tempestas tristior, unde
Panditur omne malum turbati ab origine mundi,

Vnde redundarunt iræ, fera prælia, cæsus,
Excidia, interitus terris cœloq; tremendi.
Astus & arctum sociata fraude furorem
Auxerat occiduus, furiarum peior ab oris
Vis ruit occiduus, ubi solis amabile lumen
Occidit, unde cadunt nascentibus aspera fata,
Iam nihil in miseris diuina potentia terris
Iuris habet, stygiis cessit sua iura cateruis,
Donec tot scelerum facies vlticibus armis
Auferat impuris aris, sacroq; cruore
Exstructum, renouet meliori cardine templum,
Attamen ingenita pietate impulsus amator
Admonet, amentem rursus, nemesisq; flagello
Accinctam celerare cito pede nuntiat, orans,
Vt sese agnoscat, ueniamq; exposcat in hora
Promissam extrema, contra, ni pectora tundat,
Ni penitus se poeniteat, uitæq; priori
Reddat, & instauret læsæ dispendia famæ,
Illico passuram longe grauiora, tulisset
Impia q̄ mater solymis deserta cauernis,
Quam germana hydro laniata in litore thracum.
Et iam rumpebant fatalia fila sorores,
Ac nimis Augustæ fatis obstantibus aula,
Dii quibus urbs steterat templis abiectis,
Et dux dirarum legionum immania magnum
Paulo ante in regem molitus damna, furendo
Cunctaq; uastando mauortius apenninum
Transierat, confestim animos pauor occupat oēs,

Quisq; suam gemit ore uicem fatumq; trementi,
Cæca patres ne dum cepere obliuia plebem,
Post ubi fama lacum Cyminum camposq; teneri
Sutrinus, hostemq; refert properare minacem
Et iam prægressos equites speculantur, & auras
Terribili auscultant sonitu reboare tubarum,
Priuos luctus stupefecit publicus horror:
Continuo Brennus celerat fatalibus alter
Agminibus: mox Tisiphone rapiente: viamq;
Sternente, horribili prædonis imagine sumpta
Insubris, anfractus per opertos tigride foeta
Ocyor, attonitam subitis terroribus urbem
Aggreditur: simul admoto furit ariete, & instans
Pulsat, & effractis bacchatur mœnibus, hoste
Horridior scythico bizantia regna præmente,
Nec mora: fatali transfixus pectora telo
Occubuit primo certamine, talia demum
In fata Aleto redigit fera bella mouentem.
Suadet enim mæla: nec meminit seruare ministrū.
Ast heu dux valida confidentissime gentis,
Ipse iaces post tot patriæ regisq; labores.
Ante utinam nostrum cecidisses impie casum:
Quid tantum leuat exitium tua pœna secuta?
Pro quantis instructa dolis inuasit erimys:
Sustulit ante ducem, nequīs frenare seuerō
Imperio vires posset sine lege furentes:
Nondum etiā immixtis truculētis hostibus, auras
Miscuit aerias densa caligine, fundo

Eruētans stygio noctem, simul vndiq; uisus
Mortales hebetans, obiecta ac nocte timorem
Ingeminauit atrox, pauidis simul abstulit omnem
Ciuiibus aspectum, at nebulae velamine recti
(Raptores ut saepe lupi cum plena pererrant,
Septa ouium tacitis incurfibus) acrius hostes
Incubuerunt urbi, trepidant praecordia captis
Omnibus, & magnae collabi moenia Romae
Cum dominisq; domus cum diuis fana videntur,
Arma abiecit humi Pan glauco lumine toruus,
Barbarus ut captam (veluti padus omnia ruptis
Aggeribus sternens) late se fudit in urbem;
Sternere pars gestit ferro miserabile vulgus,
Pars rapere, & rapidas tectis immittere flammās,
Captiuosq; inopes torquere, quaterq; redeinctos
Ingenti pretio mercari & uendere certant,
Quodnam perfugium superest mortalibus alto
Sub caelo? quae tuta manet nunc deniq; sedes?
Si cecidit domus alta Deum? si corruit orbis
Patria communis furiis data praeda latronum?
Exitium hic orbis totus miserabile sensit,
Orbis in vrbe colit dum lucta per oia pacem.
(Nus,
Incola Teutonicus gemit hinc, gemit inde Britan
Hinc flet diues opes direptas incolae Gallus,
Non consanguineus seruauit iberus iberum,
Sarmata mceret inops socio cum pannone nudo,
Dalmata miratur subito se turbine captum,
Ac patitur rapras post res tormenta nocentum.

Exiguis opibus grauis spoliatus, egens.
Assuetus rebus minus unguis sensit auaros.
Pastor inops frustra paucis comitatus in arcem
Confugit, in prædam gregibus stragemq; relictis.
Non senibus patribusq; sacris diuisq; pepercit
Barbarus, euertit simulacra vel alta decorum.
Auulso matrum pueros e dulcibus vlnis
Torruit, ac festis miserorum viscera mensis
Pastus, adorauit socio clamore lyæum.
Aethæo infamat vastos cyclopas in antro
Fabula, nunc ueros uis edit tetrrior actus.
Inq; sacerdotum capita incubuere gerentum
Pro clypeis frustra diuum simulacra, furentes
Durius, in caluo uomuerunt uertice uirus.
Non texit sanctum reuerentia prisca senatum;
Non sua Pontifici maiestas, non sacra gemmis
Ipsa corona triplex redimitaq; profuit auro,
Arx sua præsentis uix illum a morte recepit.
Non sua uestales penetralia sancta puellas
Defendere, fuit diis ipsis undiq; multo
Vestitis auro gemmisq; micantibus ingens
Exitio pretium, iam præda opulenta uocabat
Undiq; terrigenas, bona propter maxima dites
Maxima sunt domini mala passi, qualis opaca
Diuitiisq; suis onerata ingentibus arbores
Ipsa suos frangit nimio sub pondere ramos.
Ec quando lacerata fuit tot fluctibus altis
Sacra ratis, quando rapidis tot faucibus uentis!

Nūq̃ sic rabies in sanctam barbara nauim
Irruit, atq; dedit scelerum latus illa sonoris
Fluctibus, ac diro pestundata turbine vastum
Fecit naufragium, iacuitq; immersa sub vndis :
Prodigium hæc illud portendit funera dirum.
Cum fors belligero liguri suffecit hetruscum,
Exortis subito tenebris expalluit aer,
Cæruleoq; caput sol fuluum inuoluit amictu,
Extinctum ostentans Romani luminis astrum.
Mula & Pontificis magnorum enixa malorum,
Hunc partum dedit horribilem, perterrita mōstro
Euentum tristem metuerunt corda quiritum.
Hic ego dum vinclis exolui eluctor iberis,
Aspicio exanguem latronumq; arma trementem
Circumfusa senem, quem nec uenerabilis ordo
Purpurei cētus, nec texit sanctior ætas.
At dum sublimem manibus per mutua nexis
Bacchantes gestant, captoq; illudere gaudent.
Hunc miser ore truci clamorem tollit olympo,
O seclum infelix, o plena laboribus ætas,
En quo longinquo uiui peruenimus æuo?
Mors o cur mihi sera uenis? me uincla manebant
Hæc miseranda senem malesartū ultura galerum?
Aerumnas Priamus pluresq; Troilus hausit,
Nulla quies dabitur, iactatamq; anchora puppim
Nulla tenax sistet? nullus dabit ocia portus?
Præterito ne sequens ueniet crudelior annus?
O lābes nostræ turpissima tempestatis

Vrbis

Vrbis & exitium uidisse orbisq; ruinam,
Quid nam uiuendo nisi facta miserrima uidi?
Regnorum interitus, & atrocía bella Gigantum
Sedibus auserum superos arcere beatis,
Felices, neq; ad hæc seruati fata parentes,
Siquis erat toto (dolor heu) pudor orbe superstes,
Siqua pudicitia & sancti reuerentia cultus
Romula sub niueo seruabat fœmina uelo,
Quam multa impuro Lucretia cessit iberos,
Quam multa immitti germano claudia sensu
Parui inuito, frustra, cucurrit ad aras,
Et quod deterius positis ad limina signis,
Raptores inopes domina dominantur in urbe,
Barbaraq; urbanis bacchantur môstra sub umbris.
Nunq̃ post natos homines amor arsit habendi
Asperior, maiorq; fames mortalibus auribus
Pectoribus fluxit, nec tanta incendia pandit,
Vsq; adeo ut scelerata phalanx penetralia magni
Ditis adorta, patrum referatis ossa sepulchris
Eruta per flauas tyberis dissecerit undas,
Vtq; metum mutis ingentem incenserit umbris,
Dum rapit hinc digitis adducta, hic detrahit aurum,
Ille e Pontificum gemmatum fronte tyram,
Terrarum heu dominam caput alta, sub astra ferentem
Ceperit, ac totam momento euerterit horam
Quæ uis tutari & uenerari debuit illam,
Omnia miscentur flammis ferroq; cruento,
Cætera nec memorare dolor, nec pandere uulgo.

Fœdatus finit ipse pudor, tamen æthere ab alto
Et uidet & patitur Deus hæc impune, & atroces
Permittit victrice manu sæuire gigantes,
Dum sic ipse suos ulciscitur hostibus hostes,
Ergo ne summa dies Italis (Deus arceat omen)
Venerit, aucta premens? heu fato urgente feruntur
Retrorsum & cœli uersatilis omnia motu
Humana intereunt tacito labefacta ueneno,
Horrida communis uenit iam funeris ætas,
Omnibus atra dies sceleratis imminet, aquas
Carnifices uideo pendentes sanguine pœnas,
Quin & opes ipsas malepartas ocyus omnes
In nihilum rapido tenuabunt turbine cauri,
Qui post euersam fatali iudice Troiam
Prædones Graii sensere capharea dirum,
Plurima per terras peccata luere per undas,
Hæc fatus, mediis bacchantum euauit ulnis.
Plura quid enumerēs? quæ ficta haud facta minores
Accipient, diuum ereptus sed numine vates
Plurima uenturo mandauit Cursus æuo,
Cursus excidii qui pars fuit altera diri,
Cursus exitium qui culto carmine fleuit,
Cursus ore pio qui pœnas sæpe reposcens
Vltiores flexit superos, & nigra furentes
Mille modis hostes detrudi in tartara uidit,
Dum Latium uastat, dominam dum diripit urbem
Cum socio immani diuum contemptor apella,
Dii meliora, erebo non ulla rapacior atro

Exiluit pestis, quis tam latet angulus orbis
Abstrusus? Thraso quo non se intruserit audax?
Ipsa uel ignoti gens mundi sensit auaros
Plurima prædones, commune experta flagellum;
Quid nisi sacra fames prædones impulit auri
Trans æstus Libyæ, trans ægocerota rigentem
Ignotas penetrare uias, & inhospita mundi
Litora: nec prima tentata ab origine rerum,
Ut manes imos naturæq; abdita nando
Attigerint, alio nacti noua sidera cælo.
Quid nunc præcipitem furiosi persequar iram
Martis, & acceptum patriæ intra uiscera bellum?
Quã prope terribilis uisa est mihi Martis imago:
Qualem sæpe mihi ueterum monumenta legenti
Ostendere, ferox nunc me quoq; torquet imago.
Mars etenim sumptis fremeret cū cōminus armis,
Ipse adamantæis squamis ferroq; rigenti
Cōsertam induerat chlamydē, dextraq; pauendam
Luce illa infausta uibrabat durius hastam,
Ipse sui oblitus generis patriæq; deorum,
Ore minas, oculis odium implacabile, vultu
Contemptum necis, insanos a corde tumultus
Spirabat, cunctis præsentem indicere mortem
Ludus erat: fusosq; sitim satiare cruore.
Plura quid ingrato memorem quid cætera uersus
Omnia uerba malis fateor succumbere tantis.
Hæc tum Pontificem magnorum pectora Regum
Terrentem breuibus foliis & carmine sacro

Sors tulit infelix, cedentem iura furori
Omnia teutonico, seq; & sua cuncta uidentem
Diruta, turpatosq; deos pollutaq; templa,
Atq; profanatum magni penetrale tonantis
Coram inspectantem, diis auersantibus ipsum,
Seq; arctis cinctum uinclis hostibus, arce
In propria, magnum modo qui possederat orbem,
Quem decus hesperiae getis, quem numinis instar
Clementem socio tollebat hetruria plausu,
Clementemq; urbes Clementemq; arua sonabant:
Attamen ærumnis in tantis ducere uitam
Sustinuit, patriæ communis funeris auctor,
Nec coetus hominum nec fugit deuius auras
Inuisas cœli, lucemq; indigna ferentem,
Pectora nec sauo perripit uicta dolore.
Dum regnant homines ipsi rectoris egentes,
Hostibus ante tubā dum terga trementia uertunt;
Aspice q̄ paucis res itala corruiť annis.

- Ho. In sensus hominum cadit heu tam dira libido,
Ut quam debuerant defendere rite Deorum.
Eruerint sedem; desunt sua tela tonanti;
Quid Scythia sc̄uiret capta uiolentius urbe;
Sed qđ ego indignor; Nemesis quoq; sc̄uior istis
Ingruet, ac noscent curare humana tonantem.
Differt, non aufert pœnam Deus ultor acerbam.
- Io. Litoribus nostris appulsa a uespere nunq̄
Maior abactorum uis est, neq; copia peior.
Cui mala fex nostri generis dira arma secuta,

Ac patrē dite ferox gens edita fœdere sese
Infano addiderant socias, sitis impulit auri.
Ductor abactorum primus tamen ante labantem
Terribili Caulam transfixus fulmine, pœnas
Cōtinuo scelerum meritas dedit, inq̃ profundum
Millia multa crebum secum bacchantia traxit.
Hei mihi cum vidī iuuenes incumbere sceptris:
Omnibꝫ ac terris pueros ratione carentes
Esse deos, pelliqꝫ patres ab limine regum:
Tunc sensi in senium labefactum vergere mundū:
Prospexiqꝫ faces incendia vasta cientes,
Tunc sine mēte vagos vidī Phaethontas in altum
Euehi, & ignifero comburier omnia curru.

Ho. Sæpe quidem meminī Melisæum talia vatem
Excidia Albanos per campos perqꝫ Sabinos
Prædixisse, illi siue obseruata supinis
Montibus astra forent, venturaqꝫ fata docerent:
Seu Phœbi afflatus ualuisse numine, certe
Prædictis grauiora malis venisse videmus.
Fors adeo est semper fœcundior ipsa malorum.
Sæpe etiā dixit pueris mirantibus ipsum,
Væ uobis pingues tyberina ad flumina Vacca
Ocīa quæ teritis nimio petulantia luxu,
Væ uobis Tauri qui cornibus omnia duris
Sternitis, iste cadet furor acri aquilone subactus,
Et uos in luctum Ranæ tristemqꝫ querelam
Vertetis cantus, uenientem horrescite pestem,
Faucibus ecce petit uos dirus hiantibus hydus.

10. Maxima præda lupos opulentiæq; ampla vocauit
Vndiq; prædones, pastorum ignauia mollis
Reddidit audaces, uacuum quid, ouile molossis
Nonne patet quauis uiolentis furibus horas
Incustoditum uocitat pecus undiq; furem.
Heu non ausonias euertit barbarus amplas
Hostis opes, grauius uitiiis sed numina nostris
Læsa diu, ultrices miserunt æthere pœnas,
Carnificesq; iubent scelus omne abolere cruētos.
Ho. Vera Ioui enarras, eadem Meliseus ad unguem
Fatidicus cecinit, cum luxuriantis alumni
Fortunæ fluerent uitiosa per ocia reges,
Perq; uoluptatum uariarum stagna natarent
Mollia: parthenopen ad fœda exempla trahentes.
Et nunc sola filet miserando regia casu,
Quære locum, nulla inuenies uestigia Regum.
Sanguineum spectans sic inquit in axe Cometen,
Nunq̃ arsit sine uasta animantium clade Cometes.
Quot celerare feras nostra ad uiuaria cerno
Barbaricas, terramq; feris immicibus omnem
Impleri hesperiam, mistoq; rubescere tabo.
Pastores, quibus ipsa greges concessit alendos
Magna pales, melius post hac defendite caulas,
Ecce fere inuadunt, date tela, arcete Leonem
Finibus externis in ouilia nostra ruentem,
Informemq; ursum uastantem pascua rictu,
Et clam pestiferis uirus graue faucibus anguem
Exdentem uitate domi, uitate per herbam:

Hęc per diuersos tria monstra minantiã calles
Nemo sine auxilio diuum superabit, opimam
Mactemus uitulam, tum numina læsa precando
Placemus, scelerum pigeat, sic deniq; diuum
Certa ope confisi uitabimus ora ferarum,
Sin secus insani faciemus, ab ore Leonis
Haud facile elapsi diro occursabimus Vrso,
Aut Vrſi rabiem fugientes, non satis arcem
Prendemus tutam, nec mons, nec celsa crepido
Nos tuto accipient, coluber latitabit in herba,
Letiferoq; imos mordebit uulnere talos.
O Læta o felix uentura nepotibus ætas,
Cum scelerum moles in culmen creuerit altum
Atq; cohors dederit uitiorum subdola poenas,
Tum pater ærumnas hominum miseratus ab alto
Diuinam demittet opem pius æthere terris,
Virigenitus ueniet Romano sanguine, prisce
Virtutis specimen, qui callens palladis artes
Perq; gradus omneis summum sortitus honorem
Instauret mersum bellorum fluctibus orbem,
Qui pacem reddat populis, & munera pacis,
Qui bene componat sua per uestigia mores
Barbara corrumpit quos longo iniuria bello,
Qui lapsum renouet meliori cardine templum,
Qui graue naufragium tempestatemq; nefandam
Perpeſſam nauim perducât in ocia portus.
Tu quoq; si pietate deos ac pectore sancto
Rite coles, poteris tam felix cernere seclum.

At ferro scelus omne prius resecetur oportet,
 Et grex caluus iners luat atro sanguine labes,
 Pan o magne piis quem plorauere peremptum
 Vocibus in cœlo uolucres, & in æquore nymphae,
 Quem trunco in sacro nimium crudelia passum
 Supplicia, ante alios lacrymis sol fleuit abortis,
 Cum caput obscuro nitidum prætexit amictu
 Indignumq; nefas simul auersatus, anhelos
 Retroflexit equos, tenebrisq; exterruit orbem,
 Vnde sibi æternam timuit gens impia noctem,
 Quantum uis alii bene uiuere longius optent,
 Ast ego sat bene posse mori, da lumina claudam,
 Ne uideam terris quod cunctis imminet ingens
 Diluuium, agrestumq; casas Regumq; superbas
 Mersurum passim rures, ac templa deorum,
 Hæc ait, & lucum senior repetiuit opacum.

10. O felix hospes, cui tantum audire canentem
 Contigerit uatem, nunc o felicior, almam
 Cui matrem hanc liceat mala nulla reuifere passio:
 Te tua seruauit rebus fortuna secundis,
 At nos diluuiæ & tyberinos omnia fluctus
 Vastantes penitus (cum tempore Roma sereno
 Nabilis ipsa foret) tormenta q; barbara passi
 Vix animam eripimus cumulatæ cladibus ægræ.
 Sed nunquam pietas Romæ diuina reliquit.
 Cum suprema Deo fors Paulum æquauit: honores
 Diuinos largita, decusq; euexit in altum,
 Extulit os solito formosius Iris Eoo

E tractu

E tractu exultans, & mille coloribus ardens,
Mox tempestates & nubes dispulit atras,
Ac faustum læti dedit huius temporis omen.
Insignis fulsit radiis felicibus annus,
Terra ferax passim, læti clementia cœli
Aurea pax populis gratissima dona tulere,
Lætitiâ domitis auxit uictoria pœnis.
Hic est quem toties spondent oracula uatum,
Quî reparet uastis euersum cladibus orbem
Principe in hoc uno posuerunt omnia diui.
Hic est qui exitio trifidoq; a turbine sacram
Pene ratem eripuit, sanctisq; fauentibus auris
(Vt recte cœpit, nos & benefacta probamus)
Aut hic aut nemo (nisi uatum oracula fallunt)
Paulatim in portus speratos ducet ouantem.
Inuidus ille magis qui non hunc laudat, habendus?
Quam qui perpetuis fert laudibus, assentator,
Quis Pauli benefacta queat comprehendere paucis?
Omnia quæ uario cecinît tua carmine Clio
Vt, cum diffîciles sumpsit labentis habenas
Imperii, extremas extenderit acer in oras
Ingenii lumen, ut senserit Afrîca uires
Perdomita ausonias, nostrûq; ut barbara martem
Gens iterû horruerit, cum maximus auspice Paulo
Cæsar regnum ingens Libyæ sub sole recepit
Ardenti, & uicto prædonum principe sæuo
Egit honoratum Capitoliâ ad alta triumphum.
Vt summa pietate flagrans curauerit omni

Componenda studio vigiliq; labore salutem!
Cum nihil est veritus caput obiectare periclis
Ipse sacrum, & montes ausus superare niuales
Regum pestiferis medium sese intulit armis
Ab Gallis Italos ubi Varus diuidit amnis.
Pacis alumnus, eam dum cæcis mentibus infert,
In neutrum vergens pacauit molliter ambos.
Nec prius abscessit Nicææ a mœnibus altæ
Quam propriis humeris Italas portarit in oras
Optatam populis pacem plaudentibus, ultro
Cum vaga magnanimū resonarēt flumina Paulum,
Et cum crescentes siluæ super æthera Paulum
Velle viderentur validis attollere truncis:
Iam tum rura Deum præsentem lata canebant,
Paulum urbes pacem referentem optataq; terris
Gaudia desertis hilares saluere iubebant.
Quid memorē (nunc maius opus super oīa magno
Carmine ferre decet) quanto melioris egentem
Remigii nauem studio suppleuerit, atros
Aduersus nimbos? cum lustrans lumine terras
Lynceo, heroas magnos ad transtra vocauit,
Vitanteis semper scopulos stellasq; notanteis.
Prorsus ut ereptam gelidis aquilonibus illam
In tutos portus & gaudia summa referret.
Iras Neptuni tumidas euasit Iason
Palladio vectus ventosa per æquora curru,
Quod secum heroas terram mare sidera mensos
Ducebat comites, laus inde salusq; secuta est,

Aurea iam virtus, non vis maga profuit auri
Palladiæ cessit species plutonia formæ,
Nunc stat cardinibus solidis uenerabile templum,
Nunc & virtutes digni comitantur honores.
Pontifices alii si talia sæpe creassent
Conspicienda focis & primis lumina templis,
Non foret heu furiis pastorum dirutus orbis,
Romula nec data præda lupis raptoribus aula,
Nunc autem tales socios cum Paulus & arma
Legerit, emerfit quæ faulste en naufraga puppis,
Quam bene sulcat aquas tali nunc recta magistro,
Despicit hinc Borean, hinc Euri murmura, tali
Freta gubernaculo, tam forti & remige pollens.
Huic fera germanis tot monstra paludibus orta
Ac centum capitum contundere funditus hydra
Sorte datum, & late diffusum abolere venenum,
Huic quoque sorte datum est, augustum absolvere tem
Quod ligur euertit confidentissimus olim, (plum,
Id quod sollicito exequitur certamine Paulus.
Commoda militiæ referam quid plurima sanctæ
Hic plura oppressis peioraque monstra sedendo
Vrbibus hesperie domuit, quam fortis in orbe
Alcides toto, belli pacisque potentem
Magnanimumque colit merito pars optima Paulum.
Vt celeri fregit Perusinum Marte furorem,
Vtque sacrosancta ditione immaniter ausos
Sæpe Ioui insidias moliri vrbique rapinas
Contudit, atque actos patria impietate gigantes

Expulit, arma mouens semper iustissima Paulus.
Quanta quies rerum quæ copîa fluxit in urbem?
Hoc duce pulsa fides cum religione pudorq;
Antiquas rediere domos: iustissima uirgo
Ius dat cuiq; suum, iusto sub præside pœnis
Subiacet omne nefas, nunc uulgo armenta uagantur
Præta per & saltus incustodita, nec ullus
Amplius auditur Cacus regnare sub antris,
Virtutesq; diu profugas reuocauit, & auis
Ingenia ipse sui clarissima sumpsit alenda,
Ac donis decoranda suis & honoribus amplis.
Mos erat in latio, genus omne ubi fulsit honorum:
Vt prius intraret præcellam candida pubes
Aedem uirtutis, mox digna subiret honoris,
Mos hic nunc colitur Paulo duce & auspice Paulo.
Pro se quisq; patris sequitur uestigia sancti,
Paucas stagna Charon per liuida traiecit umbras,
Nulla lues urbes populat, fora cuncta referit
Frugifero cornu uariarum copîa rerum,
Deposuit cristas gladiosq; insana iuuentus
Viuitur hic cœli bonitate, sed arte regentum
Viuitur hic melius, sine cede & uulnere noctem
Ducentes, sine cade diem sine tristibus armis
Lucundo fruimur secunda per ocia seculo.

Ho. Quis post excidium miserabile crederet urbis
Solem oriturum illinc, radiisq; potentibus agras
Instauraturum spes lapsi funditus orbis?
Nos o non inopes: diffidat nunc sibi nemo:

Spes erat unde minor, fortuna inopina reuulsa. M
Quam tenui filo res itala fracta pependit. M
Fluctibus in tantis & tempestatibus atris? M
Si nobis alium rectorem fata dedissent? M
Naufragium maius fecisset romula puppis. M
Omnia sub pedibus pressissent turpiter hostes, M
Post raptos caesosque boues iuga dura subactis. M
(Hoc meditatur onus) dominis urgere parassent:
Barbarus & nostris potiretur messor aristis. M
Et premeret mites externus uinitor uuas, M
Victor & iratus cetraq; superbus & hasta. M
Diceret, ut nostris quondam maioribus heu heu M
Durius, hæc mea sunt, ueteres migrate coloni. M
Iam dii non omnes fanis adytisque relictis. M
Excessere, quibus stetit olim cœnotria felix. M
Nec gentem auersi prorsus fugere latinam. M
Non omnis periit maiestas pristina, Paulo M
Sospite sospes erit, uirtus Farnesia nomen. M
Sustinet en italum, maiusque ad sidera tollet, M
Artibus instructus patriis Romanus honorem. M
Venit hic ad summum per publica uota uocatus,
Sanctaque bisseis meditatatis munia lustris. M
Dii patrii precor hunc patriæ seruate parentem,
Tamque diu parca producite fila merenti, M
Dum successores per sanctas excolit artes, M
Instruit & summis uirtutibus, unde relinquit. M
Ipse sibi similes & tantò munere dignos, M
Quique gubernaculum clauumque in puppe tenentes

Nocte dieq; notos caueant, qui sidera toto
Explorent caelo, tenebrisq; horrentibus arcton;
Suspiciant vigiles infida per æquora nautis
Monstrantem cursus, qui tantę pondera molis
Sustineāt humeris, qualē hūc bene ferre videmus;

10. Tu quoq; tēdis eō: quo mēs patris optima sancti;
Optima sæpe ferunt meliorem semina frugem.
Non solum præsens curat ter maximus æuum,
At vi consuluit seclis potiore futuris.
Vt successores claris uirtutibus auctos
Imperio linquat sacro, dignosq; nepotes.
Nomen aui referens & magni regis, auitas
Virtutes animumq; refert in corpore pulchro
Indolis extollens Romanæ ad sidera lumen,
Cum non dum firmo tam magnam robore molem
Cumq; tot a primis & tanta negocia lustris
Sustineat Iuuenis, quis non fateatur in illo
Numinis esse aliquid; quis non diuinitus ortum
Censeat esse illum populis sine labe regendis;
Qui strepitus circa comitum & sublimia coram
Munia miratur concessa heroibus unis
Supra homines infraq; deos moderantibus urbes;
Maiestas hilaris iuuenili ea regnat in ore.
Tristis ut tanto discedat principe nemo,
Naturę hūc Iuuenem commendat epistola terris,
Vt cita commendat patrio sapientia cœlo.
Iuppiter huic æquus nascenti fulsit, & astro
Crescentem sensim puerum lustrauit amico,

Alex.
Card.
Earn.

Huic venus & Charitēs formam finxere virilem,
Mox duce Mercurio Pallas tritonā montes
Aonas inuēctum musis mandauit alendum
Propter aquam arcani salientem fontis, in vmbriis
Pieris, vbi nēctar Auus Iuuenilibus hausit
Eloquiumq; annis, orbisq; inuenta regendi.
Hinc Iuuenem euexit prudentia maior in altum
Ante annos apicem: solioq; accingit auito.
Hinc fauet ingeniis pstantibus, haud minus artes
Euehit ingenuas, q̄ quondam Augustus & ingens
Thuscus eques, veniat vt premia ad equa marones,
Ipse ciet celebres posita mercede poetas.
Vt priscis similes modulentur, & inclyta quærant
Præmia, carmen amat merito Farnesius heros
Ingenuasq; artes, hoc nam facit unicus æuo
Carmina digna, fuit qui carminis auctor, Homeri
Hi sunt quos si vnq̄ naturam est nata potentem
Ars operosa deis similes super æthera tollit,
Talem Scipiaden perhibent diuinitus ortum
Instructumq; sacris studiis, & numen olympo
Accessisse nouum, & famam meruisse perennem.
Si nunc Romanas annis pubentibus artes
Nouit, & ingenii cultos in publica flores
Comoda ab aurora sub prima crepuscula confert:
Quantus erit, matura uirum cum fecerit ætas:
Tunc tibi materiam tunc ille in carmina miras
Culta dabit uires, nec tu maioribus orsus:
Auspiciis benefacta canes Farnesia surdo.

Vt quondam sine sola dies sine sidere noctes
Ac sine luminibus lychnisq; ardentibus ædes,
Sic sine musarum sordent splendoribus vrbes.
Nouit & utilius nihil esse ac pulchrius orbi,
Quam studia aonidum docta enutrire sororum.
Mercedem hinc clavis soluet doctoribus aquam.
Nam tria rem populi faciunt seruantq; beatam,
Principis aula boni, florens academia, portus,
Aula uiget felix, supra tyberinus & infra
Centum diues habet conuectans omnia portus.
At nunc quod superest, urgit Farnesia virtus:
Floreat in primis academia: fundat & omneis
In terras ut equo Troiano multa uirorum
Millia, sustineant qui doctis uiribus vrbes:
Qualis Atlas humeris stellantem sustinit orbem.
Ille quidem cœlum mare terram sustinit omnem
Qui doctrinarum regit æquo lumine mundum.
Quid possit soleatq; leuis fortuna sagaci
Cogitat ingenio, quæ prima ætate Nerone in
Finxerit ars sanctum, dignumq; potentis honore
Imperii, quæ mox contagia tetra Leonem
Immanemq; feram uastantem hostiliter orbem
Reddiderint: nuper ruerint qua labe priores
Sexcēti, meminit: procul ampla hinc arcet ab aula
Virum adulantum, comitesq; cruoris amantes.
Ut stet mole sua, iam nunc se ponit in vno
Omnia: fortunam (deæ ne fallacibus alis
Effugiat) ualidis uirtutum ne ceterè uindictis

Nicitur:

Nititur humanasq; uices meditatur, ut alte
Ad se fixa trahant successu sidera lato
Deiectura homines casu grauiore sub umbras;
Quærit amicitias, & amari adnititur, unum
Quemq; sibi officiis, comi sermone, manuq;
Munifica alliciens: ut, si dea uana reffarit,
Sub dio carpat somnos, gradiatur inermis.

Ho. Quæ tibi pro tali solamine dona rependam?
Quæ grates tibi lingua potest, quis spiritus equas
Diceret dum lymphas in pocula grata salubres
Albula miscebit baccho, dulcemq; iuuabit
Dulcior unda sitim, mea mens te diliget unum,
Vox canet absentem, sed nunc tua tempora lauro
Hæc iubet ornari Phœbus phœbiq; sorores,
Nam tu præteritis solatia plena tulisti,
Tu digno ornasti præsentia tempora uersu,
Tu spem felicis das certam & signa futuri.
Hinc delubra Iouis, cœliq; adeamus ad aram,
Noster ubi ætheriam Princeps sibi cōdidit arcem:
Non ut suspectos, quos non habet, arceat hostes,
Præsidio non arcis eget, qui principe cœli
Pro summo in terris regnat, quem turba deorum
Custodit uolucrum, qui curæ est omnibus astris,
Ast ut par fieret diis immortalibus, auras
Vitales patrio Ioue semper agente, iuuentam
Huic quoq; ppetuam meus afflat lucidus Hebon,
Vtq; alium in terris cœlo digressus olympum
Iactet habere Deus sese cum principe terræ.

Ecce, haud sū mus honor, sua sed sapiētia Paulū
Felicem similem; Deo facit omne per æuū, bA
Nūc age pro patriā patre numina trīna precemur:
Vt parta uirtute sua cum pace fruatur
Muneribus longo nobiscum tempore pacis,
Serus & in cœlum redeat, sedemq; beatam
Impleat, a prima florentis origine mundi
Promerito positam, candens ubi lacteus orbis
Emicat, hercūlea postq; pater optimus hydram
Multiplicem claua barathro summerferit imo,
Ac Libyen Asiamq; atrā caligine mersas
Lumina ad æterni conuerterit aurea solis:
Vnus tum pastor reget unum sanctus ouile.
Tum Deus alter erit Christi sub numine Paulus:
Christus & imperio Pauli moderabitur orbem
Vndiq; diuinos capiens Deus unus honores.

FINIS.

QVI veterū nescit, puer est, monumēta virorum;
 Nemo Ioui obiciet tibi segne hoc inclyte crimē,
 Cur non Augusti ueneramur Cæsaris ædes,
 Vicinas ædes, & celsa palatia magni
 Arcadis, ac priscis habitatas regibus arces?
 Iamq; domum tenuem & cunabula mira quirini
 Ac primam imperiū mutabilis aspice sedem.
 Hic quoq; fige moram, mecumq; quiesce sub alto
 Hoc ruderum scopulo, uastasq; tuere ruinas.
 Hinc ueterum benefacta magis mirare,, reuoluens
 Prisca animo, hinc urbis miserare iforme cadauer.
 Tum qui condiderint tantam reminiscere molem,
 Condere magnanimis erat olim regibus urbes,
 Nunc autem est penitus populari ac uertere curæ.
 Huic aures saxo admoueas, sensusq; reclines
 Huc, & ab his umbris aliquid squalentibus hauri,
 His e disiectis imitandum sume sepulchris.
 Nil quando in uiuis præclari luminis ardet.
 Nōne elementa uides saxo huic impressa uetusto?
 Hunc hunc ter uenerare locum, da terna sacello
 Oscula, in hoc etenim mirabilis edita proles.
 Hoc nymphæ in luco primum Carmentides ortæ;
 Noster amor, nostrumq; decus, fideq; uiarum
 Tempus in omne duces, seu nosse arcana deorum
 Seu rebus quæras certa ornamenta secundis,
 Seu solida aduersus solatia, compos abibis

Votorum, ac veniet tecum comes alma voluptas.
Lux magna o latij salve, ter mater ab oris
Huc vecta arcadicis felici fidere salve,
Quid sine te demum mortalis vita fuisset?
Nunc quoq; diua tuo quicunq;, vel inter opimos
Exultant campos, orbari lumine tanto
Errant, atq; premunt insulso pondere terram,
Ignauum pecus humana sub imagine pascunt.
Quæso tuum serua inuentum, prædulce senectæ
Præsidium, in nostram felix illabere mentem,
Huc ades inuentrix diuini muneris, omnem
Ex oculis nubem eripiens, e pectore labes.
Iamq; sine inuidia fortunæ instantis alumni
Omne terant nugis & ludis turpibus æuum
Circæo pecori similes, hoc nectare cassi,
Hic etiam manibus pinguis cadat hostia nostris,
Atq; hic pro nostro maiores Cæsare curas
Sumentes, omni studio meliora precemur,
Vt sese agnoscat, se tanto vt nomine dignum
Præbeat, illius mores imiterur & acta
Inclyta, cuius habet venerabile nomen, & ingens
Imperium, vt tanti socios in mole regenda
Imperii reges sancto sibi fœdere iungat,
Ac sine coniunctis sociorum cogitet armis
Omnia se vano moliri bella labore,
Deq; Italo pigeat iam tandem effundere vires
Cespitem tam validas, & tingueret sanguine cæpos.
Pro quo q̄ magnum decus & quam forte iuuentæ

Robur, parua inhians, quã ditem perdidit orbem?
Ingentes magno capiuntur in equore pisces
Fatales aquilas conuertere solis ad ortus
In turcam nostri truculentum nominis hostem
Pulchrius vtiliusq; putet, terramq; reluxit
Vnde salus hominum, nitatur soluere uinclis,
Et regna in socios partiri hostilia reges.
Hinc decus hinc laudes hinc speret pramia sancte
Maxima militiæ, nullum peritura per æuum.
Talía molimur socia dum uoce precari,
Principis & nostri fortunam ad sidera uotis
Tollere supplicibus, postremo ut terminet ingens
Oceano imperium, famamq; micantibus astris.
Edita de luco uox hæc numerosa per auras
Insonuit tacitas, iussitq; audita referri,
Spiritus Albunæ non hæc obscena uolucris
Præcinit, ut moueat grauiori pectora cantu,
Felices fierent æquantes numina Reges,
Addita sana quidem si mens regnantibus esset.
Contenti & patrio citra sua uulnera sceptro
Sanctius æqua darét populos sua iura per omnes.
Sed te, quem curru uehit alto gloria Cæsar
Centum Cæsaribus centum de regibus ortum,
Centum sortitum pulcherrima regna, paternis
Contentum sceptris, contentum & finibus istis
Fata uetant regnare, manent quem dona deorum
Maiora, herculeas cui trans extendere metas
Imperium dederint, & Eoos uincere tractus:

Hoc opus in primis urgendum, hic uertitur ordo
Inde dei patriam nostri, lux unde refulfit
Atq; salus hominum, sanctamq; reposcere terram,
Tantum aquilas dices conuerte orientis ad oras
Continuo aspicias se trans iuga condere tauri,
Aut procul in uastas hostem sese abdere siluas.
Aggredere o tandem, ne fata uocantia differ.
Pactolus, Ganges, Euphrates, Nilus opimas
Summittent undas, oriens tibi seruiet omnis.
Restituesq; Deo quicquid male possidet hostis.
Si tu cuius habes augustum nomen & amplum
Imperium, mores imitabere & optima facta.
Nocturna uersare manu uersare diurna
Te ueterum monumēta ducū iuuēt omnibus horis.
Luce sine illustri doctrinæ ceca uagatur
Natura in tenebris, obnoxia mille periclis,
Nec uis nec facies marti nec spiritus ardens
Profuerat, cum uincla manus & colla tenerent,
Mercurii eripuit uirtus e carcere martem,
Qua sine Dux uinclis religatus, & anxius inter
Fluctuat errores, cadit inter & arma cruentus,
Nempe duces illos, quorum uiget inclyta mundo
Fama, prius doctę satis edocuere sorores.
Quādoquidem nullū plura & meliora necesse est
Scire magis, q̄ regna tenet qui plurima, tractus
Diuisa in uarios & ab ore reposta regentis,
Quin tantæ nauis tam uasta in mole regenda
Hoc opus est adhibere uiros, quos longa laborum

Pecuario rerum probat experientia casus, aqua
Sidera qui norint, tempestatesq; futuras;
Qui caueant atrox quid cogitet Auster, & Eurus.
Quiq; statum cœli solis speculentur ab ortu,
Ac teneat benefacta probat quæ plurima clauum.
Vtere munifica non parca & uindice dextera;
Sit tibi summa fides, animusq; ante oia clemens.
Omnia summa decent pollentem numine regem.
Rex ut honore tumet, uirtute excellat, & omnes
Conciliet populos maiestas aurea morum.
Non metus at custos amor adsit corporis lardens,
Plus prope parcendo Cæsar post prælia uictis;
Quam ui uincendo creuit, seq; addidit astris.
Nulla tuentur apum dilectum spicula regem;
Non odere suum, sed apes uenerantur amore.
Certatim socio, atq; humeris super æthera tollunt,
Ius dare cuiq; suum, curareq; publica gaudet.
Non feritate premit, sed maiestate coercet
Erranteis populos & uulgus inutile, fucos.
Iccirco tibi tanta Deus dedit inclyte Cæsar
Dona manu larga, ut mortalibus omnia passim
Distribuas meritis, fungentem ut munere sancto
Numinis instar amet, teq; omni exornet honore.
Teq; tuo imperio commissus concinat orbis.
Quis uenit ex auro splendor quæ fama sepultos
Quanto plura dabis, tanto tibi plura uidebis
Depromi ex diuum thesauris munera plenis,
Quin etiam e cœli mirabere flumine uiuo

Perpetua in largum decurrere flumina fontem,
Largos haud vnq̃ defecit copia Reges,
Magna satis merces honor est & gloria Regi.
Dus diuina honor est, ipso pretiosior auro.
Sic fessor merito parcus, sit auarus arator,
Cui pauca acquirit durum labor actus in orbem,
At Rex cui nullo res parua labore redundat,
Esse suum agnoscat donare merentibus ultro
Et si clementem cœli fore casibus optas
Ipse tuis regem, tua sit clementia summo.
Aequa Deo, & mœstum soluat formidine seclum,
Solâ deis homines æquat clementia magnis,
Dicitur, est summum Ius summa iniuria, vulgus
Mortales laudant Astræam impensius omnes,
Nemo domi regnare suâ tulit acrius illam.
Vulneris accepti nunq̃ iacet immemor vsus
Deformis rictu, truculentus murmure sæuo.
At Leo magnanimus collatis viribus hostem
Sternere humi tantum, prostrato parcere gaudet,
Turpe feræ vinci Regem virtute potentem.
Hæc ait, ac vatis nos dulci carmine captos
Specq̃ noua latos musarum in templa remisit.

Ad L. Gauricum Astronomum
Clarissimum.

Gaurice de Cœlo descende, errantia tandem
Sidera linque mihi, signiferiq; domos,
Desine fatorum seriem casusq; futuros
Quærere, præsentem sed venerare Deum.
Ac mecum Pauli grato dic carmine laudes,
Qui verè in terris numinis instar habet.
Nam mihi Pieridum voces & carmina defunt,
Quanq̃ ad Parnassi me iuga raptat amor.
Pessima pars anni senibusq; infesta caducis
Me prope perdiderat horrida pestis hyems.
Cum me Pontificis visentem augusta beati
Ora, simul vultus effigiemq; Dei,
Cœpit habere vigor recreans præcordia maior,
Lætius ac vitæ iussit inire genus,
Læticia comitante calor descendit ab astris,
Vimq; mihi sensi solis adesse noui.
Sol quæ sola uidet calefacta extollit in auras,
Natura hæc Pauli est optima magnanimi
Quos uidet astantes donis & honoribus ornat,
Dulcibus & radiis proxima quæq; fouet,
Fratris ab ore capit ceu Phœbe candida lumen,
Sic ualido a Pauli robore robur ego.
Horrida cessit hyems Zephyris, & mollior æther
Cœpit odoratas pandere ueris opes,
Veris opes Paulus mihi fudit ab ore sereno,
Mox dabit autumnno fertilior frui.

Hinc ego per siluas auibus per flumina cygnis
Mistus, Pontificis tot benefacta canam.
Stultus ego ætatem qui ridum propter inanem
Blandaq; sebeti murmura perdiderim.
Salue o cunctarū Rex maxime Tybris aquarum,
Flumine pisoso qui decus omne paris.
Laudari paucis Pauli nequit inclyta uirtus,
Pandite felices nunc heliconæ deæ.
Dicite Pontificem magnum ter dicite musæ,
Audiat & nostrum carmen uterq; polus,
Ut nos semideos inter gentemq; deorum
Viuentes, similes censeat esse deis.
Hunc seclū euersum renouantē hunc audiat orbis
Ultimus, & cunctis gentibus esse patrem.
Omnia nunc Romæ Romano principe florent.
Non aliena tenet nunc sacra scepra manus.
An parte ex aliqua non me rear esse beatum,
Quem pater ex omni parte beatus alit?
Qui potuit vātis uitam instaurare iacentem,
Hunc quocq; sit mihi fas semper habere Deum.
Funde age communis pro tanto auctore salutis
Ad superos mecum Gauricæ doctæ preces.
Ipse dator uitæ Deus illi proroget æuam,
Ut uitas aliis restituisse queat.
O utinam ut Paulus Augusto it. Cæsare maior
Et cœli & terræ maxima scepra tenens,
Sic ego Virgilio sum maior, ut inclyta Pauli
Facta maronæo carmine digna canam.

FINIS.